





~~C 8000~~ Uc 4714



Uc 4714



Libellos Michalonis & Laficii vid. in  
parvo volum. scortim.

7. A.  
**LINEAMENTA  
SARMATICA,**


*SUB*  
*PRÆSIDIO*  
**CONRADI SAMUELIS  
SCHURTZFLEISCH.**

*Publicè afferenda.*

*â*  
**JOHANN. CHRISTOPH. ALBERTI,**

*Hab. in Audit. Publ. A. 1670.*

*d. 1. Octob. hor. antem.*



**WITTENBERGÆ,**

**Typis CHRISTIANI SCHRÖDTERI, Acad. Typ.**

**Anno cld lbc XXCIII.**





## SCRIPTORES.

**P**ost Pomponium Melam, Plinium, Tacitum, Ptolomæum, Jornandem, gentis hujus sub notione Polonorum, sive Bolanorum meminerunt inprimis Ditmarus Merseburgensis, Henrici II. æqualis, Wippo, Conradi Saliqi Sacellanus, Otto Frisingensis, Gottfridus Viterbiensis, Helmoldus.

2. Primo, quod à C. N. elapsum est, seculo Sarmatæ, & Venedi, ac diu ante Hæneti, sexto Slavi Slaviniqve, amplissimo diffusarum à Borysthene ad Vistulam gentium nomine passim celebrantur. Inde veluti adolescente medio ævo Polonos appellatos esse constat.

3. Recentiores, qui à sec. XV. & XVI. numerantur, sunt Æneas Sylvius, Johannes Duglossus, Matthias Michovius, Alexander Gvagvinus, Martinus Cromerus, quos uno volumine recensuit Johannes Pistorius Nidanus. Præter hos ad origines eruendas adjumentum afferent Jo. Matthias à Sudetis, & Jodocus Ludovicus Decius.

4. Martini Cromeri epitomen adornarunt Salomon Neugebauer, & Joachimus Pastorius, alter Hermanno Conringio, alter M. Zvv. Boxhornio est impensè laudatus.

5. Ab excessu Sigismundi Augusti non inscitè commentatus XII. libris Reinholdus Heidensteinus est, cujus & extant de bello Moscovitico libri VI. in volumine historiæ Cromerianæ, A. 1589. Colonia Agrippinæ editi, qui in recensione Pistoriana desiderantur.



6. De Henrico Valeſio librum unum composuit Andre-  
as Maximilianus Fredro, Capellanus Leopoliensis, qvi A. 1660,  
Gedani excuſus eſt.


7. Rebellionem Ruſſicam complexus eſt Paulus Piaſeci-  
us, ſcriptor domi prudens ac ſidus, in exteris incautus negli-  
gensq; Cum quo conjungere licet ſuccinctum commentari-  
um A. 1653. Regiomonti evulgatum. Ex utriſque ſua deriva-  
runt Adolphus Brachelius & noviffimus ſcriptor belli Coſacici  
Germanicè redditi.

8. Juri ac legibus Polonicis operam impenderunt Her-  
burtus, Theodorus Zavvack, cujus proceſſus, ut dicitur, judi-  
ciarius Varſaviae lucem vidit A. 1647. Adjungatur Andreas  
Lipſki à Lipe, cujus practicae, quae vocantur, obſervationes  
A. 1648. ed. cauſidicis inſerviunt; ſed ejusdem decas quaſtionum  
publicarum in parte publici juris non planè nullum momen-  
tum habet. Conf. Jacobus Priluſius, aliq; Ad fori Lith-  
vaniae, quae Poloniae innexa eſt, controverſias nominatur Petrus  
Roſſius: reliqua, quae ad hujus deſcriptionem pertinent, a-  
bunde ſuppetunt in Moſcovia Sigismundi ab Herberſtein.

9. Scriptum, cui titulus eſt, publica innocentiae mani-  
feſtum, in cauſa Lubomirskiana, & plerisque regni actis per-  
quirendis idoneum, & hodie in ipſa Polonia perrarum eſt, pri-  
mò in Polonorum vernacula, deinde Latina Lingva com-  
poſitum.

10. Quantum ad civiles regni rationes ſerè admiran-  
dum ſe praebuit Ulicovius, ſummo B. B. judicio inſignis, &  
accuratione ſolertiaque nulli poſſerendus. Schedae de mo-  
rient. Pol. ſervanda, ac ſimiles, ſape quidem utiles, at  
nimis interdum vulgares ſunt, ut facilè inter has excellat,  
quod noviffimè prodit ſub nomine Cenſurae Candidatorum  
Poloniae.

I. N. J.



I. N. J.

S. E.

**P**incipiò Polonia Duces habuit. A Ducibus  
inde Reges eleſit. Regum circumſcripta Potestas. Op-  
timatum libertas magna, licentia maxima eſt.

I. E.

Regnum hodie, ſi ullum, legibus adſtrictum. Leges,  
quibus regni innixum fundamentum eſt, duobus capitibus  
continentur. Alterum libertas Electionis, alterum Religio-  
nis eſt. Utrumque codex ſanctionum Polonicarum ſugge-  
rit. Vim, nervum, robur à Comitibus Varſavienſibus (\*) ar-  
ceſſo. His ſtabit regnum, ſi obſerventur. Ruet, (ne vero  
ruat) ſi negligantur.

(a) A. 1573. Huc ſpectant conſtitutiones publicae, diplomata  
regia, quibus haec libertas repetitis vicibus ſignatur. Memorandi  
hic Reges, Henricus, Stephanus, Sigism. III. Vladislaus IV. & qui  
nuper regno ſe abdicavit, Job. Caſimirus. Sed imprimis memo-  
randa hic fuerat ſanctio Jagellonica.

III.

Primus Regum memoratur Boleslaus Chrobry. Sed  
verò audacius, quam verius. Quod velim aequo animo ac-  
cipiant Crantzius, Johan. Cluverus, Johannes Latus, Geor-  
gius Hornius, Fr. Sanſovinus, Arthurus Duck, Anthonius  
Albiziſ, Chriſtianus Matthiae. Sed neque hi ſoli. Reſtant  
plures: Johannes Sleidantus, ſcriptor alioqui gravis & probus,  
Lucas de Linda, Joachimus Paſtorius, Henricus Bangertus,  
& quem hic ſequitur, Gvagvinus, Auctor noviffimus Polonici  
ſtatus, innumeridemum alii. Unum id impensè hic miror,

A. 3.

cur



cur Polonici scriptores, sique non vulgares, tantum sibi indulgeant, ut patrocinentur errori. Quum non plane nullum hic suppetat argumentum, fuisse tempus, quo Polonia colere Imperatorem, colere Imperium debuerit. \* Qvod tamen ægrè faciunt Poloni, jam dissimulantes, quæ scribenda erant, jam scribentes, quæ tacere præstitisset. Noratus hic multis nævus est. Ex omnibus seligamus. (b) Conringium, testem parum laudandi moris.

\* Chron. Pegaviense ad A. 1135. Otto Frising. Chron. VI. cap. 28. VII. cap. 19. Sannasarianus app. cap. 7.

(b) Cap. 18. de F. I. G.

#### IV.

Qui edisserunt hoc loco familiarum vicissitudines, non impingunt semel. Scriptor Novitius des Polnisch. Königs Stamms / XII. recenset interregna. Sed abhorret is loquendi modus ab accuratione civili. Nec pensi is habet distingvere Ducum tempora à Regum. Utinam vero præter hunc lapsum nullus superesset alius. Sed mendum augeatur mendo. Inter exempla sunt, qui in tradendis Poloniae dynastiis operam ponunt suam. Alii sex: alii plures, multi pauciores numerant. Joh. Buno (c) Dynastiam inserit Zechidarum. Verum hæc ad Bojohemos pertinet, non ad Sarmatas. Nisi tamen Cracidarum dictam cupit, à Craco Auctore appellatam. Qui rem in compendium redigunt 1. recitant Dynastiam Lechi, unde surrexit familia Lechidarum. 2. (d) Craci. 3. Przemislai. 4. Lesci. Hinc progenies Lescidarum. 5. Piaſti, Civis Crusvizensis, filii Gosficonis, ut produnt Sarmatici annales. Ab eo prosapia Piaſteorum, seu Piaſtidarum, (e) quæ nondum desit. Reliquias Silesia habet. 6. Jagellonis, qui Jagellonidum Conditor. Hoc ad regni clavum subducto, Piaſtei, qui Silesiam colebant, Principes, sive odio, sive ultione excitati se suosque regno

regno Bohemico illigare coeperunt. Sed manifesta hæc omnia. Videamus jam, quid Sarmatiæ expediat.

(c) Sec. IX. Hist. univ.

(d) Unum hic notandum, omitti duxendæ hæc, seu Palatinos, vulgo Waiwodas, qui binis vicibus interserendi (1) Post Lechum (2) Post Cracum. Præter hoc addo, verum cumq. indubitatum historia Pol. characterem incipere cum Piaſto. Anteriores multa ad hæc comitari. Ne μυσικά dicam. Proinde hic, si usquam, iudicio opus est.

(e) Vid. de bis Aut. Cens. Cand. Polon. Conf. alij, qui rectè memorant, eos primum veritatis diviniore lumen Sarmatiæ intulisse.

#### XV.

Regni Caput (inde enim auspicari libet) Cracovia est. Civitas vasta magis, quam valida. (f) Perculit huius rei cogitatio multorum animos Regum. Præsertim Sigismundi Augusti, (g) ut qui pensaret, quanti interesset, Cracoviam muniri. Laudabilis hæc sollicitudo, sed Ordinibus odiosa. Nempe existimaverant hi, munita Cracovia, nova sibi instare fata, libertatem in discrimine fore, regem ad regiam potestatem grassaturum. Hinc responsum tulit, Polonos Virtutem lacertis ostendere. (b) Muris, arcibus, castris non delectari. Verum latebat metus affectandæ dominationis. Regem prætextu securitatis moliri Monarchiam, una omnium suspicio fuit. Prudentiam interpretabantur Poloni. Sunt, qui admixtum quid imprudentiæ colligant. Disceptet, decidat, qui velit, velit, qui potest. Ego dixisse satis habeo, publicæ interesse rei, ut privata suspiciones publicæ utilitati remittantur. Hoc magis, quod alia Polonis in promptu sint servandæ libertatis instrumenta. Sed age ostendam, quid hinc emergere damni, quantum conflari Christianis periculum possit. Fingam irritari Turcas, colligere exercitum. Uno impetu effundi in Sarmaticos campos



campos. Omnia præda hostis erunt, priusquam iusta acie cum hoste decernatur. Quid si Fortuna belli, ut subinde mutabilis est, refragaretur? Sane conclamatum foret, cum neque præsidium victis, neque asylum subditis superesset. Quos tamen habere omnes æquum est, quò fugiant ad salutem, quò fortunas, & quicquid carum est, perferant. (4) Atqui id jam liquet satis. Et nisi liquet, testari Varadinum potest, quantum in arcibus & castellis situm sit momenti. Quippe compertum, amisso Varadino, periclitari Ungariam juxta & Transylvaniam cœpisse: Cosacos Osmanidarum jugo se submisisse. Tantæ utilitatis est, extruere arces & tueri extructas.

(f) *Arx civitati imposita, ubi veterum Regnum conspicua monumenta.*

(g) *Vid Jos. Maria Maraviglia Hermet. Cœlest. p. 94.*

(h) *Imitantur Poloni Spartanos. Sed desuit seculum illud Spartanum. Desierunt Spartanorum mores.*

(i) *Pensant tamen hanc arcium propugnaculorumq; jacturam varij montes, quibus includitur, diversa flumina, quibus interluitur Polonia. Sed Natura hic subsidium debetur ab arte.*

#### VI.

Quamquam ergo magni æstimem Sarmatarum Virtutem, nec ignorem insuper, Tataris Turcisque admodum formidabilem esse hanc gentem, tamen necessitas temporum exigit, & ipsorum Polonorum salus, ut communiant civitates, excitent arces, omnia denique comparent ad publicam securitatem.

#### VII.

Cum de munimentis, deque munimentorum necessitate expono, subit recordari Kamienici. Hoc sustinendis Tatarorum incursionibus suffecturum ajunt. Sed sufficiat Tatarorum. Fortè tamen pertinaciæ Turcarum non sufficet. Quin fortè fama major vero, quæ ad nos de operibus

operibus munitionibusque Kamienici perlata est. Tum verò sentiunt non pauci, Tataros jamdudum Kamienicum\* occupaturos fuisse, ni impetum cohibuisset prudentia Turcarum. Ut quorum quasi beneficiarii Tatai sint, intenti ad eorum nutum, & parati sequi signa, cum velint. Turcis autem hujus consilii non aliud pretium est, quam formido. Cohorrescunt enim, cum inaudiunt de auxiliis Germanorum, & qui Septentrionem colunt. Hos vero judicant, nolle destituere Polonos, dum unus apud omnes metus est crescentis potentiæ Turcarum, qui vel invitis extorquere arma potest. Et verò communis Christiani orbis causa hæc est, quæ copulare disidentes debet, ut obextandem ponatur posteris Osmani.

\* Simon Starovolscius in Polon. p. 114. refert, oppidum esse & natura loci manuq; permunitum, nec refragor, si & sentiat pro conditione Podolia, & loquatur. Subscribit Starovolscio Alexander Guagvinus in descript. Pol. & non modò arcem neuro propugnaculisq; firmatam, sed civitatem etiam ob rupem accessu arduam ferè inexpugnabilem esse scribit. Quicquid ejus sit, parum latus nuper allatus nuncius est, venisse in Turcarum Tatarorumq;, quos antebac strenuè repulerat, potestatem: Quæ ut quamprimum recuperetur, asseraturq; pristino domino, & Germania, & universi septentrionis interest.

#### VIII.

Ut meritò jam invehamur in eos, qui solius quæstus causa Turcarum se applicant partibus. Indignum sanè Christianis, stare adversus Christianos, deserere suos, assistere impiæ genti. Et verò Deus, Pietas, amor, quæ Christianos copulant cum Christianis, iniquissimo exemplo adversantur. Relinquatur impia adeo colluvies sibi. Retineat sordes suas. Christiani jungantur Christianis. Foedera, societas, amicitia, sancta nomina sunt. His dignari Turcas probrosum orbi Christiano. Impium quoque accedere barbaris, adversari suis. Prætextus commercio-

*Ne Cum Turci  
se junxi an  
at?*



rum pulchrè quæritur, solide non stabilitur. Certè nemo probaverit hunc morem, quum Christianus Turcæ expetatur societatem, ut noceat Christiano. (k) Speciosa quorundam commenta multum ostentationis, parum pietatis, minimum laudis habent.

(k) *Rationem reddit Petrus Santerna Lusitanus, quod sine inimici imperij, & Christiani nominis, quod Christianos persequantur & sedibus expellant, tr. de affect. Ed. Lugd.*

IX.

Revertamur ad institutum. Potentia Polonorum terrestribus, opes in agro, vis belli in equitatu ferme omnis est. Maritima potentia Naturæ magis donum, quam fortunæ & artis. Hac carent Poloni, pollent Hispanus & Veneti, Veteres Osmannici imperii hostes. Cæterum divitiæ agrorum nec nullæ, nec nimix. Commerciis demum regna efflorescunt. Sed genius Polonicæ gentis vix capio. Haud exiguo, ut creditur, regni damno. Præterequitatum, qui validissimus est, (l) cura peditatus esse (m) debet. Urba beat, quos opponat Prætorianis. Spahis enim haud dubiè est resistendo.

(l) Rex 140000. (alii 200000. recitant) Nobilium educere in aciem potest, si instat periculum, si imminet hostis. Expeditio hæc apud ipsos Postpolite Russenæ audit. In proxima expeditione ultra 100000. fuisse memorant.

(m) Jam olim Tacitus Sarmatis objicit ignaviam ad pedestres pugnas. Hist. I. Ego monere malim, quam tale quid objicere. Sed Sarmata fortasse ipsi dubiam objiciunt fidem.

X.

Æstimavimus satis excitatam Polonorum indolem, animum bellicarum rerum capacissimum. Lustrabimus popularium erga populares jam fidem. Pro patria oppetere mortem, ducunt laudi. Pro salutē regis capere arma, corpus objicere periculis, omnia denique experiri parati. Transfugam fieri, summum ibi scelus. Comitari regem

in

in quacunque fortuna, decus interpretantur. Multas gentes ferro in reges sævisse compertum. Poloni servatorum regem gloriam tulerunt. Dissentire quidem & obniti, indignarique insuper sæpe, & edere irati animi signa, non rarum. Sed manus regum imbuere sanguine, & insonantes deposcere ad necem, generoso hætenus populo piaculum fuit. Magna hæc fides, gloria autem fide major, pietas longè maxima. Paucos excipimus, quibus sensum obsequii sive innata ferocia, seu pertinacia excusit. Hos rebus studiisse novis, recessisse à fide erga Reges, exuisse reverentiam, sicut notum, ita universæ genti nequicquam imputandum.

XI.

Perspicaciam gentis colliget, qui ut cauti sint, & regum scrutentur destinata ac mores, apud animum expendit. Piaetidas ad Casimirum usque M. nulla religione astrinxerunt, successores vero hoc obligare vinculo consultum putarunt. Prorsus ut appareret, libertatis retinendæ tenacissimos esse. Sic regum coerciti spiritus, sic civitatum servitutis jugum, sic privilegia retenta atque immunitates vindicatæ omnes. (n)

(n) Non multo secus, atq. Teutones, qui Caroli V. antecessores laxius, Carolum V. arctius ex Imperii utilitate legibus adstrinxerunt. Vide Sleid. & ex eo Stirn. Nomoth. t. 4. §. 6.

XII.

Monui de Casimiro M. Princeps is animi plenus & rare exemplum benignitatis. Hic Poloniam lateritiam accepit, non multo post marmoream fecit. Beneficii Ordines, plebem, magnos, medios, minimos, omnes sibi devinxit. Russiam in Provinciæ formam redegit. Leges, cultum, decus in Poloniam intulit. (o)

(o) Vid. Aut. Anonym. in Piast. Joachim. Pastorius in Casimiro Magno. In eo desierunt regnare Piastidæ.



Auspicata hæc regno omina. Auspiciora ferme in Vladislao Jagellone. Qui Lithvaniam Poloniae innexuit, ut hodie utraqve eodem civili vinculo contineatur, eodem jure regatur, eodem demum obsequio eidem Principi pareat.

Haud secius caput extulit in Casimiro III. qui Prussiam addidit. (p) Prussia exemplum secuta Livonia est. Hanc Poloniae adiecit (q) Sigismundus Augustus, augendis regni finibus occupatissimus Princeps. Caterum habeo, quod considerem cum prudentibus in Sigismundo III. qui Cracoviam, inclutam Veteri Regum sede civitatem, Varavia mutavit. Omne parum prospero, consilio minus utili, eventu certe non salutari. Aded verum est, mutationes sedium auspicia nunciare nec prospera semper mutantibus, neclata iis, qui mutantium imperia colunt.

(p) Notat hic asperè Albertum Teutonici Ordinis Magistrum Besold. I. P. Part. 3. c. 4. p. 235. Excusant moderatores. Notas vicissitudines peculiari sermo argumento. Borussia Ducalis soluta jam beneficiario vinculo est, quod constat ex transactione Velandensi. Cessit enim El. Brand. ut supremo Domino, soluta fiduciarario nexu. Conf. dissertatio nostra de rebus Prussor. ad §. 28.

(q) Livonia in sanctionibus novissimis jam dissepiscitur in Svedicam & Polonicam. De hac quid Moschi respectu publice tantum nuper sit, apparet ex sanct. Pac. Oliv. c. 5. §. 1. De Livonia aliqvi in Cis & Trans-Dunanam divisione Geographi plenius agunt.

In Stephanum Bathorium parum æquos, deprehendo Sarmatas. Periculum metuerunt libertatis, fortè quod regis potius, quam regni haberet rationem. Suspectus enim insidiari juribus, insidiari libertati. Regis quoque, id est, sui poti-

potius, quam regni æstimare utilitatem videbatur. Hinc indignantium voces querelæ mutati in publicum amoris. Dignari Ordines, proscribere Zhorovros, denunciare poenam inter Præsules summo, abrogare Proceribus officia, disponere de Provinciis beneficiariis liberè, intolerandum genti. Nec de Vladislao IV. una omnium opinio fuit. Multi cum niti solito altius, & plus moliri, quam par esset, & regiam completi animo vim, conjecerunt. Nimirum prona Martis regibus via est ad dominatum.

Hactenus de Regibus monitum. Summa eo spectat, ut materiam diffidentiae, æmulationis, litium amoliamur. Captare arbitrium, omnia moderari pro nutu, libere, ferre sine Comitibus leges, statuere quid sua sponte, decernere sine consilio consensuque procerum, Senatus, ac Nunciorum terrestrium, in Polonia inauditum. Regem habere Ordines malunt, quam regnatricem domum. Regnum electione deferunt. Nec tamen plane nullam suecessionis habent rationem. (r) Præterire hæredes possunt, haud tamen prætereunt facile. Nisi cogat necessitas, nisi flagitet regni servandæ cura, nisi causa admoneant gravissima & sine dispendio salutis publicæ non negligenda. (s) Scriptor quidam non infertus disertè tradit, Senatorum judicio consentaneum esse, Rempublicam se potius habere, quam regnum. Caterum scriptoris illius majus in Ordines studium, quam in Regem. Fatendum alioqvi, Optimates magno se efferre splendore & caliginem inducere Monarchiæ pleniori. Operandum, ut concordia utrisque constet & firma tranquillitas duret, & ipsa maneat æternitas rerum. Fiet id, si reges amient suos Optimates, hi colant suos Reges, utrique studeant publicæ utilitati. Si meminerint Reges, regnum se habere astrictum, Senatum esse liberiolem, si Ordines foveant Camillos, si expellant Marios, si Sullas detestentur.



(r) *Qui Scholis operantur, regna electitio successiva appellant.*

(s) *Aut moment. Polon. servand. rat.*

XVIII. Novum invitae de Comitibus argumentum. Jus indicendi penes Regem, statuendi potestas Regi. cum Senatoribus & equestri Ordine communis. Utri horum praevalleant, haut quærare opus. Sciunt, agnoscunt omnes. Prudentibus sane hinc indicium, Poloniae regimen, potius Reip. convenire, quam regno. (r) Ordines aut sacri, aut profani. Utrique regni Senatores. Post eos Delegati Nobilitatis sedendi jus nacti. (u) Sententiae tamen dicendae praecipuum apud hos pondus. Si quid proponi decernive oporteat, referunt ad Senatum. Leges vero à Senatu accipiunt nullas. Potius Senatus ad eos, quam ipsi ad Senatum se accommodant. Tanta nobilitatis auctoritas est. Senatus exhibet Optimates, Nobilitas Populum, Delegati Nobilitatis Tribunos. Caterum Comititia Polonorum ut plurimum sunt paludata. Nempe stant sub dio, stantes stipant militares turmae. Hac eum aguntur, coeunt deliberaturi, post deliberationem definiunt, si tamen definiunt semper. Atqui hic dubitaverim cum Senatorum, tum Nobilitatis ingenuum morem, quod reges mereri regnum, non mercari velint. Qui hic dubitat, excutiat annales, indaget acta publica, vestiget experientiam, inveniet, quae indicamus.

(t) *Cass. Ens de Reg. Polon. Tb. Pol. ap. it. De Cetero per occasionem Regni, mentio succurrit Abbacis Casinensis Vincentij Sgualdi, qbi pulcherrime Reipubl. quatenus optimatum jure regenda, rationes, exempla, exemplorum nexus ostendit. Addi etiam forte possunt, quae de rationibus Reipubl. cum antiqua tum hodierna eleganter ordinavit judicavitq. Pompejus Caimus in Parallel. Polit.*

(u) *Al-*

(u) *Albus cap. 33. Lind. descript. Regn. Pol. Popping. in O. l. Huc Dav. Frolich. in Viator. lib. 3. p. 47. 48.*

XVIII. Nobilitas Poloniae seminarium pariter & praesidium est, Nobilium eadem dignatio, par. Jus, aequalis libertas celebratur. (x) Ab his multi Principum surrexerunt. His necessitudine immisceri, Principibus saepe non indecorum neque inglorium est visum.

(x) *Vid. Starovolscius. Aut. Cens. Cand. Pol. Autor Gallicus quidam, cujus nomen late subliteris D. T. V. T. de l'Etat du Roy de Pologne. Sansovinus del governo del regno di Polonia.*

#### XIX.

Omnia, quae sentimus, dicere non expedit. Alia aut servanda domi, aut relinqvenda expertis rerum. Tradamus nihilominus aliquid de hodierno Rege. Is à (y) Vismiovecia dux, à Sangvine Korybutius, eoq; Jagellonidis vinculo agnationis annexus. (z) Ultima origo ex Lithvanis. Praenomen Michaelis. In praenomine augurium diadematis feria Michaelis imponendi fuit. Auspicia rerum gerendarum prospera, ingenium perspicacissimum, animus, ingens multisq; artibus imbutus, experientia singularis explendescit. Nihil in eo desiderant boni, omnes sperant bene. Hinc studio Nobilitatis proventus, hinc ad regni Clavum subductus. Attrita quidem paternae opes sunt Cosacico bello. Animus tamen semper idem viguit, infractus nunquam. Omen hoc olim accipiebamus altioris fortunae. Exitus non defuit omni.

(y) *Alij Wisniowicz, alij Wisniowez, multi Wischniowez, nonnulli Wisniowicz scribunt. Is Numa potius, quam Romuli ingenium habet.*

(z) *Demetrius Korybutus frater Jagellonis. Familia utriusq; Principalis, ultima origo traditur ex Italia à Columnis. Columnas arcessunt à Germanis. Ex Stricovio observant, Wisniowiczorum & Sbarasciorum Antecessorem appellatum. Huc refertur Diploma Fidelitatis A. 1386. concinnatum. Et Starovolscius annotat monumenta aliquot Wisniowiczorum Ducum.*

XX. Sum-



Summa hujus Regis cura, ut tempestatem ex Ukraina impendentem avertat. Et profecto avertet, si de consilio ejus res regatur, \* si reconcilientur rebelles, si cum regno redeant in gratiam Cosaci, si Ordines denique, cum opus fuerit, non destituant optimum Regem. Impiæ seditionis Russorum memoria nondum exolevit. Vitari potuisset malum, si Russici ritus relicta libertas fuisset, si, quod ex promisso debitum erat, regni curia dependisset, si major erga eos præfectorum regionum moderatio apparuisset, si avaritiæ Judaicæ nihil in ipsos licuisset, si denique in nulla libertatis parte damnum ad illos redundasset. Mittimus alia querimoniarum capita. Tantummodo hic monemus vitandum esse Russicum istum Sullam. Hunc vitare est præsens periculum vitare & fraudem. Quid mirum? Turbidi ingenii homo est, & profundæ simulationis. Fidei quoque anceps & mutabilis in momenta. Tum promittendo paratior, quam servando. Omnia illi ludus, Etiam religio pactorum. Hoc observandum regi, observandum regno est. Ad ultimum, elegans in Viosnievicio Polonici exemplum moris. Scilicet Reginas à Germanis sumere malunt, quam Reges. Suspecta adeo Germanici nominis magnitudo. A sexu seqviori non perinde metuunt. Hunc regi potius, quam regere debere ajunt. Jam plures ex Austria reginas acciverunt. Novissimè documento Viesnievicius est. Cujus & regnum fortunet Deus & torum. Illi felicitatem, huic fecunditatem largiatur.

\* Alius hoc A. 1672. eventus, atq; superiori consilium fuit. Facta in Polonia pax est, sed magna Polonorum jactura: Podolia nunc gemit sub Turcarum iugo.

Regibus olim concessa abdicandi libertas. Multa hinc in Remp. mala, plurimæ calamitates. Jam melius provi-

provisum regno, libertati isti obex positus. Argumento Viosnievicius est, regno se, donec vivit, ex lege non abdicaturus. Id religiosè promissit: religiosè implebit.

Sequitur, ut tradamus, quid Polonia reponere in se, quid tribuere exterorum auxiliis debeat. Non negamus, nimiam fiduciam sui, sæpe initium miseriæ esse. Nolumus diffiteri tamen, Poloniæ domi potius vires quærendas, quam foris. Auxilia aut sæpe sunt sera, aut non suffectura. Ac id quidem facere Polonis in expedito est. Gens numerosa, & idonea insuper bello, & tanto aliquando magis resurrectura, quanto major ruina fuit. Probat id superiora bella, probant exemplabellorum. Assentiuntur Polonici scriptores. Idemq; nuper Batavis suggestit quidam in opusculo, de eo, quod interest Bataviæ.

Piget hic referre, quod prodidit Thomas Campanella. Is securitatem Sarmatis certissimam pollicetur, si Poloniæ cum Moscovia conjungendæ rationes ineantur. Sed vanum consilium, vanius promissum. Diverfa Moschorum & Sarmatarum ingenia, adversi mores. Dispar etiam regnandi jus, dispar modus, Imperium Czaris successioni innixum, nec circumscriptæ potestatis. Regnum Polonorum conferendum electione, nec administrandum pro nutu. Servile obsequium Moschorum, liberimum Polonorum est. Ne meminerim, quam pertinaciter sua colant sacra Moschi. Sua quoque Poloni. Nunquam adeo conciliandi, nunquam redigendi in unum corpus. Pontifex, Pontificis ceremoniæ illis detestabiles. His contra Græcorum. Hos ergo conjungere pugnantes, componere dissidentes, jam diu desperavit Palatinus Czerniechoviensis. Quod indicio est, promississe Campanellam, quod nulla ratio futurum promittit. Ostentui ergo hic Monachus est. Magis Monachi simplicitas.

Cæterum optandum est Polonis, recuperent Smolenskum, quo nuper exuti sunt à Moscho. Idonea hæc regno olim Civitas,



(aa) unde inferre periculum hosti & propellere licebat. Janu-  
missa desideratur. Nec verò sola. Præter hanc Provincia trans  
Borysthenem, cum situs, tum securitatis ratione utilissima Polo-  
nis Repetere arduum, \* relinquare periculofum. Hæ diminuti-  
ones, belli civilis fructus. Non exiguus hinc metus, nec minus di-  
scimen. Mature adeo providendum genti, ne gentis potentia ju-  
stolatus serpat.

(aa) *Laudant hic Poloni Gedani sui vires & fidem. Laudavit  
Pastorius in Casimiro III. Laudavit proxime Andreas Olszowski, Po-  
mesania Procancellarius, & Regis sui Legatus.*

\* Tum propter belli ex bello rursum metuendi discrimen, tum propter paci-  
ones novissimas Moscho-Polonicas. XXV.

Refert quoque ad institutum nosse, Polonia sæpe plus nocu-  
isse civilia, quam externa bella. Tutus Rex, tutum Regnum, si di-  
scordiae fuerint sopitæ, si compressæ factiones, si extinctæ rebelli-  
ones. Militem excire promptum, eundemque Scythicæ gentis ter-  
rorem. Atqui vero jam tempus est, mea Polonia, ut excias tuendo  
Borystheni. Justus tibi, barbaris impius foedusque bellandi titulus  
est. Hi pro dominatione, tu pro libertate dimicabis. Aude, vin-  
dica Ukrainam. Aderit Deus. Aderit fortuna. Cœpta bona bo-  
næ exitus sequetur. Verbo, Vinces, Vincendo triumphabis, tri-  
umphando gloriam illustrabis. Imo vero illustres. Ut aut desinant  
te vexare, \* aut subigantur, quum vexant, aut subvertantur, cum  
subacti resurgunt ad colligendas vires, ad turbandam regni tui  
quietem.

\* Inter regni curas præcipua hæc est hodie, i. resarcire jacturam Podoliae:  
a. videre, q. emadmodum Polonia ex tributaria iterum libera fiat.

XXVI.

Quantum tranquillitatis servandæ pretium sit, exploratum  
jam habemus. Alia denovo subit sollicitudo. Hæc publicam spe-  
ctat utilitatem. Cujus compendium cura numi. Proinde caven-  
dum monetæ: puniendi monetæ adulteratores. Providendum  
quoque, ut cudatur monetæ à probis, & materiæ pretium, pretio  
materia respondeat. Nec verò indulgendum cuiusvis Jussu monetæ.

In-

Ingens hic abusus, ingens abutentium scelus, unde damnum com-  
merciis certissimum inferunt. Ab his ad Rempublicam, à Republ.  
ad universam humanam societatem serpit. Atque hoc cum tua  
conjunctum salute est, Polonia. (bb) Ruunt indulgentiâ in hoc  
vitium privati, privato quæstui intenti. Prospiciendum adeo, ne  
aut privatis ejusmodi concedatur potestas, aut si concedatur, in  
eos qui adulteraverint, mature animadvertatur. Constituendum  
ad hoc certum in moneta pretium, constituendi, quos appellant,  
Zygostata. (cc) Sæpe deliberasti de his nâvis, tolles tandem & vin-  
dicabis privatos privatorum hominum mores. Judæos tolerare,  
omni licitum jure. Hos vero negotiis imponere, his frænos laxa-  
re nimis, & omnium usurpandorum facere copiam, haud consul-  
tum. Turbarunt nuper monetæ rationes in tantum, ut vicinæ di-  
tiones ingemiscant. Hæc causa, cur multi civium facultatibus  
lapsi, cur plurimi mercatores existimationis fecerint jacturam,  
creditoribusque decoxerint suis. Tuum, mea Polonia, est, his ob-  
viam ire malis, & quod præcipuum gloriæ caput est, cum regno  
ponere calculum, cum calculo conservare regnum.

(bb) *Vid. Aut. Cens. pro redint. Pol. reg.*

(cc) *Ad hoc vid. D. Zieglerus, vir mihi inter magnos magnus, & ut  
nostri avi decus, ita exemplum futuri. In disp. de Jur. Monet. Saltem adjici-  
mus, auri argentique signandi jus apud Veteres sanctum fuisse semper.*

XXVII.

De Monetæ remediis nil reperio, quod exponam ultra. Aut  
si reperio, hujus scripturæ excedit modum. Visum nunc delibera-  
re, quid sit, quo regnum conservetur. Plurimi cœleste arcanum  
allegant & ineluctabilem ordinem fati. Hoc facere, hoc stabilire  
Sarmatiæ libertatem. Reddi adeo hinc rationem posse, cur facies,  
forma regni Polonici sibi conveniat soli. Nulli vero alii. Nil  
enim subesse, nisi occultam numinis vim. Huic standum, huic  
acquiescendum esse. Et mirum certe, inveniri Respublicas satis  
confusas, quæ in ipsa durant confusione. Inveniri imperia, quo-  
rum forma pœne sine forma & præter regulam civilis legis. Ma-  
nere tamen eadem & retinere inter contumaciam ac dissensiones

C 2

secul-



securitatem antiquam. Nos agnoscimus Deum regnorum statorem. Miracula arcemus. Respublicas confusione nutantes haud probamus. Unum alterumve exemplum eas non munit. Quod rarum, raro tutum, raro diuturnum. Facile perituum, quod agrum. Sic non secus casurum, quod prae gravi mole inclinatum. Certa, non ancipitia; Reip. conservanda consilia habere, non expedit modo, sed etiam necesse est. Turbida ista & fallacia, & nil solidi habentia displicent merito. Si lubrica via sit, si deficiat, ubi pes figatur, promptus sane ad exitium gradus. Nos quid sentiamus, aut dicemus ex suggestu, aut monebimus privatim. Quod enim de colendis placitis majorum, de peculiari temperamento gentis, de observandis sanctionibus regni, de fide Senatorum Ordinisq; equestris, de rationibus deniq; militaribus hic recitatur, notum omne est, & solum certe non suffecturum. Alia eruenda, plura expetenda subsidia regni habes, mea Polonia, modo utaris, nec tarda sis ad occasiones, nec ad mutationes proclivis. Mutationibus, si quae existant, remedia opponas matura. Inter regnorum vices longas procul habeas & detesteris. Didicisti inter regnorum fata. Nocuerunt regnis aliis, nocebunt tibi, si diuturniora. Advigilasti nuper satis, & cum tot, mirandum, diversa Senatorum Nobilitatisq; studia essent, praecidisti moram electioni, sustulisti interregnum, vitasti discordiam, unde promptum alioquin seditionibus, turbis, bello civili alimentum.

### XXVIII.

Ducimus quoq; instituto convenire, ut Poloniae attingamus leges. (cc) Multis videtur, gentem bello assuetam de legibus parum laborare. Illud de populo Martio verum. Hoc nullatenus concedendum. Eo minus, quod cura belli non tollat leges; Contra leges armis, arma legibus innitantur. Exemplo Princeps, cui non togae solum, sed belli etiam artes discendae. Et vero demus, curam armorum turbari interdum leges posse, everti tamen posse, confidenter negamus. Manifestum alioqui, & publicis notum argumentis, habere suas Poloniam leges, habere curias, habere tribunalia. Utrisque additam dicendi juris potestatem. Vetustiretro

tro xvi documenta multa. Memorabile saltem hic ad posteros est, juri Teutonico olim in Polonia fuisse locum, fuisse honorem. Illud vulgari nomine Magdeburgicum appellatur. Hujus introducendi Auctor non Casimirus M. ut tradit Joach. Pastorius, à Johanne Casimiro, dum regnaret, ad scribendam Sarmatarum historiam conductus, sed Lesko Niger. Causam exponit Conringius, multus in hoc argumento, nec indiligens diplomatæ, quod Pastorium deceperat, Casimiriani censor. Et vix est, ut assentiar Arthuro Duckio Anglo, qui Casimiro accepta refert auspicia primo instituti, deinde abrogati Magdeburgici Juris.

### XXIX.

Servet dissertatio formam. Dictum de legibus: insistamus ordini, & referamus de quibusdam. Leges comitetur consuetudo, quam invaluisse accepimus post leges, ordiamur à furto. Furtum pecunia redimitur. Poena si est, certe non est capitalis. Moribus Lithvanicis res furtim ablata ad Dominum non redit. Inventori quoque non cedit. Solum hujus opus, perferre ad judicem; Judex servat sibi. Via ad recuperandum Domino interclusa; remedium vindicandi nullum. (nn) Veniamus ad tutelam. Finitur tutelae munus, finito quinto decimo anno. Secus, quam apud alias gentes. Alienandi multo serior facultas. Initium quintus & vigesimus annus. Sequitur diversitas diversitatem. Liqueat hac in multis. Argumenta habemus in praedio dotali, & jure testandi. Ignotum ibi nomen jusjurandum, quod calumniae appellant justitiae sacerdotes. Haecenus discrepat à Quiritium jure. Mallent multi, ut conveniret semper, ut discreparet nunquam. (oo) Praesertim si justa subest causa, si religio movet divini juris, si sanctitas jubet innatae legis. Aversatur Deus homicidia, homicidiorum impunitatem maxime. Optamus, ut omnes agnoscant. Magni, an mediocres, an minimi, nil refert. Eodem omnes apud Deum censentur jure. Qui regulam omnibus & singulis esse voluit. Non occides. Homini adeo in hominem nulla potestas necis. Deus vitam dedit. Deus adimere solus potest, solus vult. Teneat ergo sua interfectores poena. Sed quae respondeat delicto, quae penset delicti



atrocitatem, & mensuram impleat divina legis. Non levis multa, sed supplicium poscitur. Luat sanguine, qui sanguinem profudit. Propterea nemo sibi indulgeat, nemo sua abutatur dignitate. Homicidium vindicandum morte est. (pp) Hæc sententia summi iudicis. Hæc norma regnorum erit rerumq; publicarum omnium. Vos appello, Sarmatici Nobiles. Sarmatiae munimentum estis. Iustitiæ quoq; sitis. Eritis certe. Vestra exempla utilia regno, salutaria sunt vobis. Manus adferre hominem homini, ne sinatis. Savitia est, non libertas, occidere quengvam sine causa. Etiam nulla libertas, quæ contra leges. Legum vero hic nexus. Constituta cedunt divinis, divina regunt constitutas. Quicquid peccatur in utrasque, peccatur in Deum, in vicarium Dei. Illud impietatis est, hoc improbitatis. Vos, qui animum pro regno habetis, qui curas pro regni gloria suscipitis, temperate gladiis adversus plebejos. Nunquam temperate adversus Hostes. Barbaros istos dico, & ut fama est, jam jam ex Scythia profecturos. Cavete, ne se, ne suos ditionibus vestris infundant.

(nn) *Ceteroquin de usu juris Ro. in foris Polonia vid. Duck. l. 2. cap. 11.*

(oo) *Accusat in hoc capite Polonos Spreng. d. l. & discrimen eorum notat, quo asserunt homicidium aliud capitale, aliud civile esse.*

(pp) *Vellem hic sanius locutus esset Tb. Hobbesius de Civ. cap. 6. p. 109. ubi non parum derogat innato juri, Deo ipse, hujus auctori.*

### XXX.

Tadet hic morari. Respoicit, ut quales olim Sarmatæ fuerint, dispi-  
ciam. Male apud Tacitum audiunt. Primo ignavia, deinde levior armatu-  
ra exprobratur: postremo imbellium inicitur nota. (bb) Dubites fortasse,  
an assentiat scriptori augustæ historiæ. Celeres subiti gentis impetus, celeres  
animorum motus facile aliud persuadent. Minus in Sarmatas iniqui rerum  
Scythicarum Conditores. Facit nobiscum Pomponius Lætus, vir in eruenda  
antiquitate sicut diligens, ita acris. Is ex annalibus, quos excussit, optimis  
tradit, gentem fuisse ferocissimam, & hominum cædibus asfvetam. (ii) Alibi  
recitat obstinationem gentis. Præter hanc pugnandi ardorem. (kk) Pro-  
mendum hic suffragium Flori. Qui tradit, Sarmatis non estimari pacem, imo  
ne intelligi quidem. (ll) Hæc quam conciliare arduum, tam promptum, ab  
altero dissentire. Sed causæ dissentientis iusta, ratio dissentiendi sufficiens  
esse debet.

### XXXI. Spe-

### XXXI.

Spectamus metam. Sed pauca restant, antequam perveniamus. Expe-  
diemus quasi in transcurso quodam. Dignum labore momentum, quod ad  
excutiendum veteris Sarmatiae statum pertinet. Illatum genti bellum à Ro-  
manis. (mm) Penetratum usque ad regionis fines. Viscera à bello intacta.  
Augusto Danubius belli Sarmatici terminus erat. Feliciores Teutonici Im-  
peratores. Conradus cognomento Saliquus vectigalem fecit. Henricus II.  
Boleslaum beneficiario jure sibi obligavit. (nn) Certa hujus rei argumenta  
servamus historico instituto. De cetero Polonicorum dissensus scriptorum  
nil obest causæ. Nimis afferunt nova, & solida antiquitatis nihil.

(hh) *Nihil tam ad pedestrem pugnam ignavum esse scribit, quam Sarmatæ. Et non tacite innuit, parum ipsis animi esse, ereptis equis, cum traditis, ademptæ equorum pernecitate, velut vinctos cadi. Non multo post levi gladio, incermes vocat. Hist. 1.*

(ii) *Ro. Hist. Comp. Ed. A. 1510. in Constant.*

(kk) *In Valentin.*

(ll) *Meminit Tacitus Roxolanorum. Hi Willichio Basterne, aliis Russi Moschig, suæ. De quibus vid. Carolus Stephanus Ditt. Hist. Geogr. & doctis-  
simus Italus Hirol. Canin. ad 1. H. Tac. c. 79, 1.*

(mm) *Nil viritatis habent, quæ huc affert Hermannus Hermes cap. 4. de Imp. Ro. illud multo magis mirandum, quod scripsit, Boleslaum ab Ottone  
M. creatum Regem. Non minus Galli cujusdam erratum est, qui Lecho pri-  
mum tribuit insigne Regium. Nulla causa, nisi accurata negligentia lectio-  
Ignorantiam enim vix tantis tribuerim Viris.*

### XXXII.

Vetera hæc sunt. Mittamus. Nec ramen committamus, ut horum me-  
moriam exoleseat. Nos desinimus ne progrediamur ultra legem. Desinendum  
vero in voto est. Votum præcedat, quicquid amor publici boni expressit.  
Struit sæpe fortuna vicissitudines. His amovendis comparare præsidium, fe-  
licis regni est. (ee) Comparetis, Sarmatæ. Imminent barbari ex diversis lo-  
cis. Hos depellere, æternæ pretium laudis. Dissidere ab se invicem domi, &  
pugnare sententiis, hosti expedit, non Vobis. Ante bellum de belli instru-  
mentis cogitandum. Opes, aurum, argentum bellantium robur, bellorum  
nervus. (ff) Illa, cum suppetunt, conservanda, cum desunt, acquirenda.  
Amittere hæc, & inania consecrari, est suppeditare materiam crescendi aliis.  
aperire viam ambitioni hostis, emere demum periculum brevi & mox cessa-  
tura voluptate. Vos, Sarmatæ, melioris capaces fortunæ, meliorem animum  
servate. (gg) Utilitas, gloria ad Vos redundabit. Gnara bellandi Nobilitas  
Vobis



Vobis murus & firmamentum. Legiones validæ, dummodo concordēs, extioſæ regno, ſi diſcordēs. Proſpiciſſe vobis. Impetus Tatarorum metuendus. His prædandi irritamentum Podolia, quā Meridiem ſpectat. Communitæ tandem itinera verſus illam terram. Volhyniam & Boryſthenem poſiſſimam curæ veſtræ partem credite. Quāquam inde jam major impendeat metus. Vires, opes, cogitationes omnes vertite in bellum externum. Vitæ inſtintum. Pugnatæ pro fidē regis, pro ſalutē regni. Obteſtatur Vos Chriſtianus Orbis, ut hoc tempore audendo paratiſſimi, faciendō feliciffimi, vincendo admirabiles ſitis. Honos Dei eſt, quem defenditis, libertas veſtra, quā propugnatis. Ite ergo ad arma. Numen fortunet armatos, fortunet expeditionem. Feſtinate, quod agitis. Expectat vos victoria, & invitat.

(cc) Indicandum hic eſſet, utrum Germania finibus metuendum ſit à Sarmatis. Quod cum negem ex multis cauſis, alibi perſequendum ex dignitate argumenti eſt. Interim vid. aut. Not. & ſtriſſ. p. 62.

(ff) Tac. Hiſt. II. Pompejus Caimus paral. Polit. partit. p. 29.

(gg) Multi hic notant Sarmatiæ gentem. Alii nec contumeliis abſtinent. Graviter monet Staravolſcins. Hauriant Poloni, quod ſalutare eſt, à Polonico Scriptore. Cateroquin multa hic lites de ſcopo Reip. Polonice. Diffidium omnibus notum, quod inter D. Conringium, & perſonatum Marianum exarſit. Non auſim me interponere judicem. Cam privatim ſentiendi rationem habeam.





Hist. Galon

a. gener.



